



Broj: 09-20-11-2-908

Dana: 17.05. 2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o poništenju postupka javne nabavke policijskih uniformi i dijelova uniformi za
Specijalnu policijsku jedinicu Federalne uprave policije

1. Poništava se postupak javne nabavke policijskih uniformi i dijelova uniformi za Specijalnu policijsku jedinicu Federalne uprave policije iz razloga što niti jedna ponuda ne ispunjava formalno pravno uslove tražene tenderskom dokumentacijom.
2. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj:29/14).
3. Ova odluka stupa na snagu danom donošenja
4. Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije provela je otvoreni postupak javne nabavke policijskih uniformi i dijelova uniformi za Specijalnu policijsku jedinicu Federalne uprave policije koji je pokrenut Odlukom o pokretanju postupka javne nabavke broj: 09-20-11-908 od 12.04.2022. godine prema Obavještenju o nabavci broj:1412-1-1-66-3-49/22 od 13.04.2022. godine, objavljenom u Službenom glasniku BiH broj: 25/22 od 22.04.2022. godine. Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022.godine je utvrdila da je do propisanog krajnjeg roka za dostavljanje ponuda prispjele dvije ponude I to ponude ponuđača KM TRADE d.o.o. Visoko i DANIAL S d.o.o. Jelah – Tešanj, što je konstatovano u Zapisniku sa otvaranja ponuda od 10.05.2022. godine.

Komisija je ugovornom organu, zamjeniku direktora Federalne uprave policije, dostavila Zapisnik o pregledu i ocjeni ponuda od 17.05.2022. godine u kojem je konstatovano da

ponuđač KM TRADE d.o.o. Visoko uz Ponudu broj: 450/22 od 28.04.2022. godine (obrazac za cijenu ponude robe broja 28042022-1 od 28.04.2022. godine) uopšte nije dostavio uzorke čije dostavljanje je obavezno u skladu sa tačkom 24. Tenderske dokumentacije, kao i da ponuđač DANIAL S d.o.o. Jelah – Tešanj uz Ponudu broj: IP/200/22 od 04.05.2022.godine nije dostavio uzorak košulje kratkih rukava, čije dostavljanje je obavezno u skladu tačkom 24. Tenderske dokumentacije iz kojeg razloga se ponude ponuđača KM TRADE d.o.o. Visoko i DANIAL S d.o.o. Jelah - Tešanj smatraju formalno-pravno neispravnim zbog ne ispunjavanja uslova traženom tenderskom dokumentacijom, te da su stoga iste za ugovorni organ ne prihvatljive.

Komisija je dala preporuku da se u skladu sa članom 69. stav 2. tačka d) Zakona o javnim nabavkama BiH, poništi postupak javne nabavke policijskih uniformi i dijelova uniformi za Specijalnu policijsku jedinicu Federalne uprave policije.

Razmatrajući prijedlog Komisije, zamjenik direktora je donio Odluku kao u dispozitivu.

Pravna pouka: Protiv ove Odluke može se izjaviti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**
Ensad Korman



Dostaviti:

- Sektor za mat. fin. poslove
- ponuđaču
- u spis